

in *F. acauli* quam in *F. capnoide* observatur. Postremo siliqua ipsa in utrisque oblonga est, et e basi latiuscula versus apicem attenuatur, non utrinque, uti scripsit Wulfenus. Argumentis hucusque allatis suffultus, duas hasce plantas in unam speciem jungendas esse mihi persuasum habeo.

Hab. copiose in Dalmatia Sibenici ad moenia urbis (unde forsitan Vordonius, jam pridem per decennium medicus sibenicensis, typum *F. acaulis* Wulfeno attulit), in Insula *Crappano*, et prope Tragurium. (v. v. sine fl. et v. s. cum fl. et fr.)

## IX.

CL. XIX. Syngenesia ORD. I. Polygamia aequalis. LINN. *Syst. sex.*

CL. X. Dicotyledones monopetalae epigynae anth. conj. ORD. I. Cichoraceae SECT. II. JUSS. *Gen. pl. p.* 169.

CL. III. Dicotyledoneae seu Exogenae monop. perigynae. ORD. IV. Cichoraceae DC. *Th. elem. p.* 216.

## GENUS I.

CREPIS Linn. *Gen. pl. n.* 914. Willd. *Sp. pl. gen. n.* 1412. Pers. *Syn. pl. gen. n.* 1774.

## SPECIES.

### CREPIS INCARNATA. Tab. VI. f. 2.

CH. ESSENT. C. hirtella, foliis oblongis runcinato-pinnatifidis, radicalium pinnis subovatis obtusis incis, rachide dentata, caulinis amplexicaulibus, pinnis lanceolatis acutis integris; caulibus adscendentibus ramosis, pedunculis squamosis apice tomentosus, squamis calyculi scariosis glabris, calycis carina hispidis.

CH. NATURALIS. RADIX simplex, fibrillis praedita, conica, perpendicularis annua. CAULIS modo unicus, modo ex una radice plures, adscendentes ramosi angulosi pilosiusculi. PEDUNCULI sive ramuli uniflori apice tomentosi et incrassati, FOLIA radicalia caespitosa, primordialibus obovatis sinuato-dentatis petiolatis, subsequentibus oblongis runcinato-pinnatifidis, lobis deflexis obtusis latiusculis incis dentatis vel integris, rachide inter pinnas saepius dentata, ita ut folia interdum interrupte pinnatifida evadant; caulina sessilia, basim ramorum amplectentia, profunde pinnatifida, pinnis longioribus anguste lanceolatis acutis; floralia, seu pedunculos exornantia, linearia sessilia integerrima remota, sensim breviora. FLORES terminales solitarii, ante anthesim cernui colo-

re *Hieracii incarnati*. CALYX duplici ordine sepalorum, exterioribus dimidio brevioribus subscariosis laxiusculis ovato-lanceolatis glabris, interioribus lanceolatis, linea media hispida notatis, maturitate costatis. COROLLULAE omnes hermaphroditae ligulatae 4-5-dentatae. PAPPUS simplex stipitatus sordide albus. SEMINA linearia. RECEPTACULUM nudum.

Hab. in agro Sibenicensi: misit etiam ex agro Traguriensi D. Andreas Andrich. Floret vere. (v. s. spont.)

Obs. Variat caulibus simplicibus ramosisque, foliorum lobis integris et incis. Differt a *Crepide rubra* L. praesertim foliis magis laciniatis, pinnatifido-runcinatis; nec lyratis, et caulibus adscendentibus ramosis.

Huiusce stirpis specimen monstrosum possideo morbo illo laborans quem cl. RE *platesiae* nomine designavit, caule scilicet admodum compresso et dilatato, arcuato anguloso striato nitido, apice latiore floribus sessilibus congestis praedito, ramis secundis flexuosis unifloris ornato, foliisque tenuius dissectis,

## X.

### GENUS II.

#### TRICHOCREPIS.

CH. GEN. ESSENT. CALYX calyculatus squamis laxiusculis. RECEPTACULUM pilosum. PAPPUS simplex sessilis.

CH. GEN. NATUR. CALYX duplici ordine squamarum, basi villosocanescens: squamae exteriores, sive calyculi, minimae lanceolatae albo marginatae erectae laxiusculae (6-8); interiores quadruplo et ultra longiores lineares marginatae, carina hispidae, semine decidente reflexae. (12 circ.)

COROLLULAE omnes ligulatae, apice acute 5-dentatae, basi tubulosae, calycem superantes, hermaphroditae, fertiles (luteae).


ANTHERAE quinque in tubum connexae.

PISTILLUM tubo antherarum longius, in duo stigmata globulosa bifidum.

PAPPUS sessilis simplex, pilis tenuissimis candidis compositus.

SEMEN lineare striatum sessile (badium).

RECEPTACULUM planum, punctatum, pilis capillaribus, sordide albis, persistentibus, calycem aequantibus, et seminibus interpositis, praeditum.



1. *Colchicum montanum* L.

2. *Crepis incarnata* L.